

quam quærebas. Si uero per idem instrumentum uolueris scire quo de circulo signorum pueniet directio in aliquo annorum aut ubi cadent radij & aspectus planetarum secundum opinionem illorum, qui radios proijciunt & extendunt per modum dirigendi. Vide si significator cuius directionem quæris, aut planeta uel stella, cuius radios & aspectus quæris, fuerit sub aliquo circulo angulorum, q̄ si sic, posita nota in æquinoctiali circulo sub circulo illius anguli in quo fuerit ipse significator dirigendus, uel planeta uel stella, cuius radios quæris. Deinde ab ipsa nota computa in circulo æquinoctiali gra. secundum numerum annorum quos uolueris, secundum successus signorum pro directione directa, contra uero successionem signorum pro directione conuersa. Similiter computa ab ipsa nota in eodem circulo æquinoctiali pro radijs & aspectibus sinistris secundum successus signorum 60. gra. pro aspectu sextili, 90. gra. pro aspectu quarto, 120. gr. pro aspectu trino, pro aspectibus uero & radijs dextris, computa contra successus signorum. Et in quolibet prædictorum locorum pone in eodẽ æquinoctiali circulo aliam notam, deinde uolue sphaeram secundum successionem signorum pro directione directa & aspectibus & radijs sinistris, contra uero successionem signorum, pro directione conuersa, & pro aspectibus & radijs dextris, donec ipsa nota uel ipsæ notæ directionis uel aspectuum ueniunt ad circulum ipsius anguli, & nota gra. uel gra. circuli signorum, qui tunc uenerit uel ueniunt ad prædictum circulum anguli, quia illic perueniet directio in eodem anno, si operatus fueris ad directionem, uel illic extendentur radij & aspectus planetæ uel stellæ &c. Si operatus fueris ad radios & aspectus, & per circulum anguli transibunt gra. de æquinoctiali circulo secundum numerum annorum, ad quorum terminum quæris locum directionis, & secundum numerum graduum, cuiuslibet arcus prædictorum aspectuum. Si uero significator dirigendus uel planeta uel stella, cuius radios & aspectus quæris, fuerit extra angulos, dispone sphaeram ad instans sicut dictum est supra, & circulum mobilem exteriorem, qui etiam dicitur circulus horarum, pone
supra